



МАДАНИЯТ

№14 (149) 8.04.2021 йил

Буюк аждодимиз Амир Темур таваллудининг 685 йиллиги



Юксак маданият ва санъат раҳнамоси

Ўтмишию келажаги буюк халқ эканимизнинг яна бир исботи, улуғ соҳибқирон бобомизнинг жаҳоншумул довруғи, дунёнинг энг қудратли давлатларидан бирига асос солган, холис тадқиқотчи олимлар таъбири билан айтганда "...Доро, Искандар, Цезар салохиятига тенг ёки уларнинг барини ортда қолдирувчи буюк иш амалга оширилган" бекиёс, бетакрор салохият эгасининг ворислари эканлигимиздир. Баски, не-не алломалар юртида яшаш, уларнинг ишларини давом эттириш улкан шарафдир. Соҳибқирон бобомизнинг улуғ давлатчилик сиёсати, бошқарув салоҳияти, санъат даражасидаги бунёдкорлиги, ҳар соҳада юксак маданиятлиги жаҳоннинг кўпгина мамлакатларида тан олинган, "Темур тузуклари"дан қўлланма сифатида фойдаланилган.

Ўзбекистон халқ ёзувчиси, темур-

шунос олим Муҳаммад Алининг ушбу мулоҳазалари фикримиз далилидир: "Соҳибқирон Амир Темур шахсияти жаҳон тарихида жуда кам учрайдиган ҳодисадир... Амир Темур, энг аввало, мустақил Турон давлатини тузган ватанпарвар, буюк давлат арбоби, Ватанимизни (нафақат ватанимиз, балки қатор хориж мамлакатларини) мўғул босқинчиларидан озод этган халқ қаҳрамонидир. ...Амир Темур узоқни кўра оладиган моҳир дипломат сифатида ҳам тарихда чуқур из қолдири. Уша йилларда дунёнинг энг чеккаси ҳисобланган Испания мамлақати қироли Энрико III, Франция қироли Карл VI, Англия қироли Генрих VI, саройларига алоқалар боғлаш учун элчилар йўллади... Ўз навбатида испан, француз, инглиз, хитой ва бошқа хорижий мамлакатлар элчилари унинг саройига

тез-тез ташриф буюриб туришарди..."

Қисқаси, дунёнинг энг машҳур тарихчи олимлари, алломалари таърифлаганидек, буюк саркарда, адолатли давлатбоши, жонбоз бунёдкор, илм-фан, санъат ва маданият, адабиёт ҳомийси, халқпарвар, моҳир дипломат бўлган бобокалонимизнинг ибратли амаллари бугунги кунимизда ҳам Янгиланаётган Ўзбекистонимизда қад ростлаб, бўй кўрсатиб турибди. Буни қалбан хис қилиш, фахру ифтихор этиш учун эса аждодларимиз каби юксак салохият, маънавият ва маданият соҳиб бўлиш керак. Шукрки, шундай бетакрор инсоний фазила-латлар бизга бегона эмас. Ҳар қандай шароитда ҳам турли соҳалардаги тараққиёт, ривожланиш, юксалиш давом этаётган юртимизни қадрлаш, унга муносиб бўла олиш хар биримизнинг эзгу мақсадимизга айланиши керак.

Сайёра РИХСИЕВА

Ушбу сонда

Достончилик санъати тарихи

3-саҳифада

Соҳибқирон даврида коммуникация

4-саҳифада

Ўлану лапарларда анъана ва замонавийлик

5-саҳифада




Санъатдан "санъат" яратиб

6-саҳифада

Музей ашёларини ҳужжатлаштириш қоидалари

7-саҳифада



Муносабат

“Мамлакат тан бўлса, султон унинг жони...”



Халқ орасига одамлар дардини билиш учун қирган подшоҳлар ҳақида қадимдан турли ривоятлар, эртақ ва спектакллар мавжуд. Янги ҳақиқатларни, замон қаҳрамонларини яратиш эса замон одамларининг иши. Ўзбекистоннинг Иккинчи Президенти янгиликлар ташаббускори, инновацион ғоялар тарғиботчиси, муҳим фармонлар яратувчиси ва ижрочиси Шавкат Мирзиёевни том маънода асримиз қаҳрамони дейиш мумкин.

Эл розилиги, ишсизлик, камбағаллик қамайиши учун юртбошига таклифлар бериши хар бир зиёли, юраги уйғоқ инсон орзу қилади. Кўламли лойиҳалар қатори президентнинг юрт оралаб юриши, оддий инсон каби суҳбат қуришларида ярқ этган тараққиёт, фаровонлик машғаласини кўриш мумкин. Мана, 2021 йил февраль ойида Фарғона водийси, Тошкент вилоятида афсоналар ҳақиқатга айланиб, дав-

лат раҳбари маҳаллабай кезиб, муаммоларни ўргана бошлади. Бу хар бир фуқаро, ўз фикрига эга инсоннинг ўзи сайлаган президентини, Худонинг суйган бандасини оддий инсон қиёфасида кўриш орзуси бўлади ва бу кўнгилни эзгуликка чорлашга хизмат қилади. Миллионлаб қалблар орзусини рўёбга чиқаришга биринчи қадамни ташлаган Муҳтарам Президентимиз қаҳрамон номига муносиб.

Ижодкор сифатида ўз фикримни баён этишга чоғланар эканман, хар бир маҳаллада камчилик борлигини айтишдан бошламоқчиман. Чунки янги маҳаллалар ва манзиллар очилиб бораверади, муаммолар ечим топаверади. Инсон деган мураккаб мавжудот бугунги кунига шукрона келтириб, яна ҳам фаровон ҳаётни орзу қилаверади. Агар бизнинг маҳаллага, яънимиз кўштирноқ ичидаги “драматурглар маҳалласига” муҳтарам

юртбоши бошчилигида раҳбарият ва ҳолислар ташриф буюрганда ҳам камчиликлар бўлиши ва бунга сабабчилардан бири, аввало, ўзим эканлигимни тан олган бўлардим. Хар қандай соҳадаги етишмовчиликни биргаликда уюшиб бартараф этишимизга ишонаман.

Маҳаллалардаги қутилмаган учрашуларда юртбошимиз ва бир аёл билан шундай суҳбат бўлиб ўтди.

- Нега йиглайдисиз?
- Хафа қилишди одамларингиз... – деди аёл аранг ўзини тутиб.
- Улар учун мен узр сўрайман.
- Боламнинг битта орзуси сиз билан кўришиш...

- Болани ўзим назоратимга оламан. Мана, расмга тушдик. Расмин катта қилиб совға билан жўнатаман.

Давоми 2-саҳифада

Амир Темур уғитлари:

Бир ишга киришишдан олдин чиқишни ўйлаб қўй...

Чин дўст улдирик, дўстидан ҳеч қачон ранжмайди, агар ранжиса ҳам узрини қабул қилади.

Юз минг отлик аскар қилолмаган ишни бир тўғри тадбир билан амалга ошириш мумкин.

Ҳокимлару сипоҳдан қай бирининг халққа жабр-зулм етказганини эшитсам, уларга нисбатан дарҳол адолату инсоф юзасидан чора кўрдим...

